

Cuengh Gun Cungj Rox Vwnzva Swnjcienz

壮汉兼通 文化传承

——Bi 2017 Daengx Gih Cuengh Gun Song Vah Saw Sonhag Yienhciegz Yawjhag Hozdung Youq Vujsenh Yen Banh

□ Banh Cauzyangz Cau Dwzfeih



▲ Aen hoih cungjgez yienhciegz.

▲ Lwghag yibeibanh, guh' angq mbaet makbingzgoj nyinh cihsaw.

◀ Veiz Lanzmingz youq gwnz hoih cungjgez eangivah.



▲ Dangzgoq gyoepyaem yibeibanh, hagseng dox duenz hag yinhmeh.



▲ Dangzgoq sonhag it nienz-gaep, lauxsae hawj hagseng cang gij giek ndaw saw.



▲ Dangzgoq gyoepyaem yibeibanh, lauxsae caeuq hagseng guh' angq.



▲ Gyoengq lauxsae yawjhag yawj hagseng guh minzczu conzdung dijjuz hozdung.

5 nyied 25 daengz 26 hauh, Bi 2017 Daengx Gih Cuengh Gun Song Vah Saw Sonhag Yienhciegz Yawjhag Hozdung youq Vujsenh Yen banh. Baez hozdung neix youz Swcigih Gyauyuzdingh cawjbanh, Vujsenh Yen Gyauyuz Caeuq Goh-gigiz bangbanh. Swcigih Gyauyuzdingh Minzczu Gyauyuzcu cucangj, Minzczu Song Vah Saw Guenjieix Bangunhsiz cujyin Veiz Lanzmingz, Vujsenh Yen Gyauyuz Caeuq Gohgigiz gizcangj Cangh Hingyen daengj bouxdaeuz caeuq lauxhangz camgya hozdung. 175 boux gya-yenzyenz Cuengh Gun song vah saw, lauxsae Sawcuengh Vahcuengh camgya le baez hozdung neix. Hozdung youz yienhciegz yawjhag, raiz gij doxgaiq hag ndaej, faen cuj bingz goqdangz sonhag, yenzgiu daujlun cungjgez daengj bouhfaenh gapbaenz.

5 nyied 25 hauh, yienhciegz yawjhag hozdung youq Dungzlingj Cin Cungsim Hagdangz guh, Danz Meijvah lauxsae aen hagdangz neix langhbaij le yibeibanh Sawcuengh gyoepyaem guhyienh sonhag hozdung, Veiz Feihfeih lauxsae langhbaij le dangzgoq guhyienh sonhag Sawcuengh Vahcuengh it nienzgaep.

Youq mwh yibeibanh Sawcuengh gyoepyaem guhyienh sonhag hozdung, Danz lauxsae yungh gij hozdung hingzik lai cungj lai yiengh, ciuq gij daengdiemj bi' ndwen caeuq simleix lwgnyez, cauhaeb guh' angq, daiq gyoengq lwgnyez hag doeg yinhmeh Sawcuengh; yungh yaem' wenq fwen, vaiqbanj daengj soujduenh caeuq gaiqdawz bangbouj, dawz gij neiyungz hagsib Sawcuengh

ndaw saw yungh gij hingzik fwen son'gyauq hawj lwgnyez, dawz gyauyuz sonhag caeuq swnjcienz minzczu vwnzva hozdung ndeindiq giethab hwnjdaeu. Daengx dangzgoq neiyungz caeuq hingzik lai, gikfat le gij yinxdaeuz hagsib gyoengq lwgnyez, ndaej daengz gyoengq lauxsae yawjhag bekwngz haenhndei.

Youq mwh dangzgoq guhyienh sonhag Cuengh Gun song vah saw, Veiz lauxsae hwnjdangz seiz, doeng-gvaq gij hingzik gangj gojgaeq gejgangj faenzcieng ndaw saw, yungh gij sonhag fuengfap gikleihsik, gikfat gij yinxdaeuz hagsib gyoengq hagseng. Ndaw dangzgoq, hawj hagseng cang gij giek ndaw saw, mboujdan hawj gyoengq hagseng engqgya haeujlaeg roxyiuj faenzcieng ndaw saw, doengzseiz hix hawj gyoengq hagseng gyalaeq gyamaenh gij cihsiz hag ndaej haenx.

26 hauh banringzgvaq, Veiz Lanzmingz youq gwnz hoih cungjgez naeuz, neix dwg baez yawjhag hozdung "guhyienh miz souhaeu, ngeizvaeg miz dapanq, sonhag miz fuengyiengq, guhhong miz saenqsim, song vah saw miz cingzyauq" he, rengzrwd cwnghingz le gij cingzcik Vujsenh Yen haiguh hong sonhag son'gyauq Cuengh Gun song vah saw aeundaej haenx. Aeundaej doenghgi cingzcik neix, caeuq aen yienh neix roengzrengz "bouxdaeuz yawjnaek, lauxsae genhciz, hagdangz miz daegsaek, son'gyauq miz caet-liengh, cauha singqheiq miz heiq-faenh" liz mbouj hai. Doiq gij cingz-gvang hwngfat Cuengh Gun song vah saw gyauyuz seizneix, de naeuz,

Cuengh Gun song vah saw gyauyuz hwngfat seiqdaeuz ndei, gvendaengz cwnghingz banhfap mboujduenh laebndei, Cuengh Gun song vah saw hwngfat cienjhingz. Doiq gij hong gvaqlaeng, Veiz Lanzmingz daezok geij diemj iugouz: It dwg daezsang roxyiuj, aeu daj gizensang swnjcienz minzczu vwnzva daeu roxyiuj gij yiyouqgaenj guh ndei Cuengh Gun song vah saw gyauyuz. Ngeih dwg guh daengz gagsaenq caeuq genhciz, aeu daj gizensang gyagiengz vwnzva gagsaenq daeu giendingh song vah saw gyauyuz gagsaenq. Sam dwg hangznieb dinfwngz aeu ciennieb, aeu mboujduenh daezsang gyauyuz sonhag suijsingz.

Cangh Hingyen gangjvah naeuz, hengzguh Cuengh Gun song vah saw gyauyuz dwg gij bouhfaenh youqgaenj minzczu gyauyuz Vujsenh Yen. Gaenh bi neix daeu, ndaej daengz Swcigih Gyauyuzdingh haeujcoengh, Vujsenh Yen Cuengh Gun song vah saw gyauyuz aeundaej le 3 aen fuengmienh cingzcik: Cuengh Gun song vah saw gyauyuz lingjauj caeuq guenjieix ndaej gyagiengz; gohyoz hengzguh Cuengh Gun song vah saw gyauyuz; genhciz dawz minzczu doxgiet gyauyuz yungzhaeu minzczu vwnzva swnjcienz hozdung bae.

Gwnz hoih cungjgez, lij guh le faen cuj baij daiqbiuj bauq bingz goqdangz sonhag; Denhdwngj Yen, Vujsenh Yen guh hong Cuengh Gun song vah saw gyauyuz gingniemh doxgyau; lauxhangz diemjbingz dangzgoq sonhag Cuengh Gun song vah saw vanzcez dem.